



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-554-4/24**

Datum: **17.02.2025. godine**

«Agencija za vodno područje rijeke Save» Sarajevo rješavajući po zahtjevu Udruženja građana «Mjesni vodovod Novi Šeher» Maglaj za donošenje rješenja o vodnoj dozvoli za zahvatanje vode otvorenim vodozahvatom na Piranskom potoku i ispuštanje tehnoloških otpadnih voda u prirodni recipijent iz objekta postrojenja za pripremu pitke vode za potrebe snabdijevanja pitkom vodom potrošača na području naselja Novi Šeher, općina Maglaj, na osnovu člana 109. stav (1) tačka 1. i 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola Udruženju građana «Mjesni vodovod Novi Šeher» Maglaj za zahvatanje vode otvorenim vodozahvatom na Piranskom potoku (tirolski zahvat kapaciteta 10 l/s) i ispuštanje tehnoloških otpadnih voda u prirodni recipijent iz objekta postrojenja za pripremu pitke vode za potrebe snabdijevanja pitkom vodom potrošača na području naselja Novi Šeher, općina Maglaj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekata i uz sljedeće uslove:
 - 2.1. Da korisnik vodnih objekata iste održava u funkcionalnom stanju i koristi u skladu sa njihovom prirodom i namjenom te u skladu sa uslovima iz ove vodne dozvole.
 - 2.2. Da se korisnik vodnih objekata brine o čuvanju objekata i uređaja na njima od slučajnog ili namjernog oštećenja ili uništenja.
 - 2.3. Da korisnik vodnih objekata obezbijedi stalni i sistematski pregled vode od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće. Kontrolu ispitivanja kvaliteta vode za potrebe snabdijevanja vodom za piće stanovništva mogu vršiti samo ovlaštene laboratorije u skladu sa članom 48. stav (3) Zakona o vodama («Službene novine Federacije BiH», broj 70/06).
 - 2.4. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće propisane Pravilnikom o higijenskoj ispravnosti vode za piće («Službeni glasnik BiH», broj 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.5. Da se obezbijedi tehnička ispravnost ugrađenih mjernih uređaja za evidentiranje količina zahvaćene vode odnosno da se redovno vrši baždarenje mjerača protoka u skladu sa propisima o mjernim uređajima.
 - 2.6. Da se u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode. Evidenciju o mjerenju zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanju podataka o količinama zahvaćene vode («Službene novine Federacije BiH», broj 83/08).
 - 2.7. Da se u toku važenja ove dozvole okončaju aktivnosti oko donošenja Odluke o zaštitnim zonama i zaštitnim mjerama izvorišta «Piranski potok» a sve u skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje («Službene novine Federacije BiH», broj 88/12).
 - 2.8. Do donošenja nove Odluke, sprovoditi zaštitne mjere i pridržavati se odredbi postojeće Odluke o zaštiti izvorišta rijeke «Piranski potok» (broj: 02-05-1385/00) donesene dana 16.10.2000.godine od strane Općinskog vijeća općine Maglaj («Službene novine Federacije BiH», broj 07/00).

- 2.9. Da se zahvaćena voda prečišćava na postrojenju za pripremu pitke vode primjenom odabrane tehnologije koja će dati vodu za piće propisanu važećim Pravilnikom o higijenskoj ispravnosti vode za piće («Službeni glasnik BiH», broj 44/10).
- 2.10. Da se uredno vodi dnevnik rada u koji će se unositi podaci o postupku hlorinacije i potrošnji svih hemikalija.
- 2.11. Da se vrši stalna dezinfekcija vode hlorisanjem kao i kontrola rezidualnog hlora u vodovodnoj mreži a u skladu sa Pravilnikom o higijenskoj ispravnosti vode za piće.
- 2.12. Da se u skladištu hemikalija, dozir stanici ili na mjestima pretakanja hemikalija obezbijedi adekvatan apsorber za prikupljanje hemikalija u slučaju incidentnog izljevanja. U skladišnom prostoru i na mjestima pretakanja nije dozvoljeno postavljanje podnih slivnika.
- 2.13. Da se vrši redovna kontrola uskladištenih hemikalija i obezbijede svi potrebni uslovi u cilju sprečavanja zagađenja površinskih i podzemnih voda uskladištenim materijama.
- 2.14. Da se tehnološke otpadne vode nastale pranjem filtera i odmuljivanjem taložnika iz postrojenja za pripremu pitke vode prikupljaju zasebnim kanizacionim sistemom i ispuštaju u potok.
- 2.15. Da se poduzmu sve potrebne mjere kojima bi se obezbijedilo da prečišćene otpadne vode prije ispuštanja u recipijent – potok, ostanu u maksimalno dopuštenim granicama definisanim u Tabeli 1.1. Priloga 1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 2.16. Da se tokom važenja ovog rješenja na ekološki prihvatljiv način riješi konačno zbrinjavanje mulja iz taložnika kao i mulja nastalog pranjem filtera na postrojenju.
- 2.17. Vlasnik odnosno korisnik predmetnih vodnih objekata je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.18. Vlasnik odnosno korisnik objekata je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik predmetnih vodnih objekata je obavezan voditi propisne evidencije, te nadležnim organima dostavljati propisane obrasce u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za korištenje vode i ispuštanje otpadnih voda.
4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Ukoliko prilikom upotrebe predmetnih vodnih objekata za koje se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.

6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
7. U ovoj upravnoj stvari plaćene su sve upravne takse.
8. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Udruženje građana «Mjesni vodovod Novi Šeher» Maglaj podnijelo je Agenciji dana 31.10.2024. godine zahtjev za izdavanje vodne dozvole za zahvatanje vode otvorenim vodozahvatom na Piranskom potoku (tirolski zahvat kapaciteta 10 l/s) i ispuštanje tehnoloških otpadnih voda u prirodni recipijent iz objekta postrojenja za pripremu pitke vode za potrebe snabdijevanja pitkom vodom potrošača na području naselja Novi Šeher, općina Maglaj. Objekat vodozahvata, postrojenja za pripremu pitke vode, rezervoar i prateći objekti su izgrađeni na dijelu parcele označene kao k.č. broj: 461/1 KO Adže, općina Žepče.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Uvjerenja o poreznoj registraciji izdatog dana 14.10.2003. godine od strane Porezne uprave – Kantonalni ured Zenica,
- Kopija uplatnice upravne takse,
- Kopija Rešenja o vodnoj dozvoli broj: UP-I/25-3-40-549-5/19 izdatog dana 31.10.2019. godine od strane «Agencije za vodno područje rijeke Save» Sarajevo,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-10572/12 izdatog dana 05.01.2012. godine od strane Službe za statistiku za područje Zeničko-dobojskog kantona,
- Kopija Odluke o zaštiti izvorišta rijeke «Piranski potok» broj: 02-05-1385/00 donesene dana 16.10.2000. godine od strane Općinskog vijeća općine Maglaj («Službene novine Federacije BiH», broj 07/00),
- Kopija Rješenja o urbanističkoj saglasnosti broj: 03/II-364-201/98 za izgradnju vodovoda za potrebe vodosnabdijevanja naselja Novi Šeher izdatog dana 28.09.1998. godine od strane Sekretarijata za privredu i prostorno uređenje Općina Maglaj,
- Kopija Rješenja o vodoprivrednoj saglasnosti broj: 06/07-337-118-1/98 za izgradnju vodovodnog sistema za potrebe vodosnabdijevanja naselja Novi Šeher izdatog dana 06.11.1998. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o odobrenju izgradnje vodovoda za potrebe vodosnabdijevanja naselja Novi Šeher broj: 03/II-361-70/98 izdatog dana 07.06.1999. godine od strane Službe za urbanizam, stambene i komunalne poslove Općina Maglaj,
- Kopija Rješenja o upotrebnoj dozvoli za mjesni vodovod Novi Šeher broj: 06-1-23-1172/05, izdatog dana 30.09.2005. godine od strane Službe za urbanizam, geodetske i imovinsko pravne poslove Općina Maglaj,
- Kopije izvještaja o ispitivanju vode za piće urađenih u periodu od 05.11.2024. do 16.01.2025. godine od strane «Instituta za zdravlje i sigurnost hrane» Zenica,
- Izvještaj o ispitivanju otpadnih voda za mjesni vodovod Novi Šeher Maglaj urađen od strane JP «RAD» d.d. Tešanj novembar 2024. godine,
- Glavni projekat vodosnabdijevanja naselja Novi Šeher urađen od strane «IBIS» d.j.l. Zavidovići, juli 1998. godine – na uvid,
- Elaborat vodozaštitnih zona za izvorište Piranski potok sa nacrtom Odluke urađen od strane «PERSPEKTIVA-inženjering» d.o.o. Visoko, novembar 2018. godine,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog vodozahvata na Piranskom potoku i postrojenja za tretman pitke vode i tom prilikom je sačinjen zapisnik o izvršenom uviđaju broj: UP-1/21-3-40-554-3/24 od 28.01.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe vodosnabdijevanja stanovnika naselja Novi Šeher, općina Maglaj (oko 750 domaćinstava) izgrađen je vodozahvat na Piranskom potoku - tirolski zahvat kapaciteta 10 l/s. Uz zahvatnu građevinu izveden je cilindrični pjeskolov. Zahvaćena voda se nakon pjeskolova gravitacionim cjevovodom Ø 160 mm transportuje do postrojenja za tretman pitke vode kojeg čine dvije linije za tretman kapaciteta po 5 l/s koje su naizmjenično u funkciji. Tretman vode sastoji se od sljedećih procesnih jedinica:

1. Prethodna oksidacija
2. Doziranje aluminijum sulfata
3. Koagulacija uz miješanje
4. Taloženje
5. Filtriranje na pješčanim filterima
6. Filtriranje kroz filtere sa granuliranim aktivnim ugljem
7. Završna dezinfekcija
8. Priprema hemijskih reagensa

Nakon tretmana, voda se transportuje do rezervoara kapaciteta 250 m³ a potom gravitacionim putem distribuirati prema potrošačima u naselju Novi Šeher, općina Maglaj (oko 750 domaćinstava). Objekat vodozahvata, postrojenja za pripremu pitke vode, rezervoar i prateći objekti su izgrađeni na dijelu parcele označene kao k.č. broj: 461/1 KO Adže, općina Žepče. Redovno se vrši mjerenje i evidentiranje količina zahvaćene vode (mjerač protoka instaliran na ulazu u postrojenje). Kontrola kvaliteta zahvaćene i isporučene vode vrši se od strane ovlaštene laboratorije «Instituta za zdravlje i sigurnost hrane» Zenica.

Tehnološke otpadne vode nastale pranjem filterskih postrojenja i odmuljivanjem taložnika ispuštaju se bez predhodnog tretmana u izgrađenu oborinsku kanalizacionu mrežu sa krajnjim ispustom u Piranski potok. Vršiti se redovno ispitivanje kvaliteta i kvantiteta nastalih tehnoloških otpadnih voda od strane JP «RAD» d.d. Tešanj. Skladištenje hemikalija vrši se u namjenskom skladištu u sklopu objekta.

Zaštitne zone oko izvorišta i postrojenja za tretman vode su propisno ograđene, označene i zaštićene od neovlaštenog pristupa. Na vodozahvatu su postavljene kamere i uspostavljen videonadzor.

Podnosilac zahtjeva nije ispunio uslov iz tačke 2.11. prethodno izdatog Rješenja o vodnoj dozvoli (broj: UP-I/25-3-40-540-5/19 od 31.10.2019. godine) kojom je traženo da se donese Odluka o zaštiti izvorišta u skladu sa odredbama Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje («Službene novine Federacije BiH», broj 88/12). Elaborat o zaštitnim zonama izvorišta «Piranski potok» sa prijedlogom Odluke urađen je od strane «PERSPEKTIVA-inženjering» d.o.o. Visoko, novembar 2018. godine na traženje Udruženje građana «Mjesni vodovod Novi Šeher» Maglaj.

U toku je procedura oko usvajanja nove Odluke o zaštitnim zonama izvorišta koju treba da donese Vlada Zeničko-dobojskog kantona na prijedlog nadležnog Ministarstva za poljoprivredu, šumarstvo i vodoprivredu Zeničko-dobojskog kantona obzirom da se izvorište i postrojenje nalaze na području općine Žepče a snabdijevanje vodom se vrši za potrošače na području naselja Novi Šeher, općina Maglaj.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-554-2/24 od 10.12.2024. godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata Udruženje građana «Mjesni vodovod Novi Šeher» Maglaj, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članom 48., 64., 66. i 116. Zakona o vodama i članom 13. i 14. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Konstatuje se da je podnosilac zahtjeva, Udruženje građana «Mjesni vodovod Novi Šeher» Maglaj, ispunio minimum uslova za izdavanje vodne dozvole za zahvatanje vode otvorenim vodozahvatom na Piranskom potoku i ispuštanje tehnoloških otpadnih voda u prirodni recipijent iz postrojenja za pripremu pitke vode za potrebe snabdijevanja pitkom vodom potrošača na području naselja Novi Šeher, općina Maglaj te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju

Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- UG «Mjesni vodovod Novi Šeher» Maglaj
Sportska br 12 Novi Šeher, 74250 Maglaj
- ⊖ AVP, ISV – Vodna knjiga
- Sektor 50,
- Sektor 40, arhiva
- Oglasna ploča – AVP Sava